

明代傳記叢刊・名人類③⑤
周駿富輯

遜國正氣紀

八卷

(明)曹參芳輯次

明文書局印行

wt74/03

原書係國立中央圖書館所藏
承蒙惠借影印，謹此致謝。

逸史雙先生輯次

孫國正氣集

刻於

卷一

遜國正氣紀序

高皇帝驅逐胡元。整齊華夏。
百王以來。中國所有衣冠。
禮樂之盛。復還舊觀。蓋得
國之正。與濟世之功。過於

湯武自生民來未有幾及
者也。歷未三百。邁茲甲申
三月之變。斯固已足痛心
矣。乃執節死義者。大臣自
范公景文。倪公元璐。李公

邦華侍從庶僚。自馬公世
奇。汪公偉。劉公理順。成公
德。凌公義渠。吳公甘來。申
公佳胤。金公鉉。十數君子
外。屈指計之。何寥寥也。嗟

乎。是豈有血氣者所忍言哉。夫不聞國初壬午之事乎。親爲

高皇之子。兵有輔成之名。疑於家事。外人可以勿與而

方黃耿練以下。逮於釋子。
樵夫傭匠類。千數百公捐。
胆湛族趨死如歸。變姓更
名。視生若贅。戀慕哀思。百
折不悔者。殆靡可紀。極自

古興亡之際。節義之盛。未
有如革朝時也。夫以

高皇帝開創三十年。而教化
如此其盛。更以

列聖漸磨三百載。而氣節反

如此其衰。嗟乎。是又豈忍
言哉。夫忠孝之性。無所於
解。童而習其說矣。生歿臨
而禍福急。則皆有所籍以
文其言。王魏口實於管召。

三楊胡解之徒。又借吻於
王魏。似是而非。迤相掩覆。
有識之士。卽訟言之。而主
持無人。卒未有正其論者。
遂使人沒其本心之正。將

三百載所謂教子二而賞
臣奸矣。一旦遘會事變。人
人如發蒙振落。欲節義無
衰。不可得也。今江左初建。
大讐未雪。獨有差強人意。

者。吾師燕山史公。正揆席
以主國。是崑山顧公錫疇
爲大宗伯典禮。遂首請上
讓皇帝之徽號。崇

康皇帝之廟祀。予遜國死義

諸公之贈謚。蓋一代缺典。
今始行之。人心曉然。乃知
君父大義。而吾友曹日贊
所謂正氣紀。亦猶是著。曰
贊英奇磊落。勁骨凌霄。學

問得乎夙成。忠義植於天
性。適又傷激時事。抵几裂
背。以爲窮愁著書。古人皆
緣發憤。於是以優彼爲劣
此之指。美他爲黷。我之辭。